



Das erste Capitel.

Von mancherley Art
vnd Geschlecht / von den Nahmen /
Nutzen / vnd der Nothwendigkeit
der Sonnhrn.

Der gebreuchlichsten Sonnhrn / wie in
meinem ersten Fundament / im 6. Capitel geleh-
ret / seynd vornemlich zweyerley Art vñ Geschlecht.
Dann etliche werden also gemacht / daß sie gleich-
wol Wassergleich ligen / sie seyn beweglich / wie daß
alle Compassen seyn / oder unbeweglich / von den
Gelehrten Horologia horizontalia, sonst Wassergleich ligen
Vhren genandt / vnd alle Stunden des Tages von Auffgang der
Sonnen / bis zum Niedergang / welches sonst der weniger theil
Sonnvhren thun können / zeygende: Etliche aber / daß sie hangen
oder stehen. Dieser hangenden oder stehenden Sonnvhren seyn a-
bermaln vnderschiedlicher Art. Dann vor das erste / so stehen etli-
che gegen Mittag / etliche gegen Mitternacht / vnd zwar / entweder
stracks zu / weder gegen Auff- noch Niedergang ichtwas / oder aber
darvon / gegen jetztgedachte Orter der Welt / den einen oder den an-
dern / etliche / vnd zwar / entweder vnter / oder aber gerade 90. gradus,
(dann es darüber nicht seyn kan) abweichende: darbey dann zu mer-
cken / daß die geradt 90. gradus jetzt besagter massen abweichende
Sonnvhren / geradt gegen Auff- oder Niedergang stehen. Zum an-
dern /

A

dern /